



POSTDA



O'zbekiston Respublikasi IIV nashri

2010-yil

Calendar table for June 2010 with days of the week and dates.

Июнь

Gazeta 1930-yil 12-maydan chiqa boshlagan • E-mail:urmvd@inbox.uz • №23 (3864)

Халқаро экспертлар:

ЎЗБЕКИСТОН ШҲТНИНГ РИВОЖЛАНИШИДА МУҲИМ ўРИН ТУТАДИ

2009 йил июнь ойидан бошлаб Ўзбекистон Республикаси Шанхай ҳамкорлик ташкилоти - (ШҲТ)га раислик қилиб келмоқда. Кўпгина хорижий экспертлар «Ўзбекистон томонидан Ташкилотга раислик доирасида ШҲТ нуфузининг янада мустаҳкамланиши ва фаолиятининг ривожланиши йўлида муҳим қадамлар қўйилмоқда», дея баҳолашмоқда.

Хусусан, Европа Халқаро муносабатлар институти вице-президенти Жак Липпернинг фикрига кўра, Ўзбекистон халқаро нуфузи йилдан-йилга ошиб бораётган Шанхай ҳамкорлик ташкилотининг муҳим иштирокчиси саналади.

Ўзбекистон томони Ташкилотнинг янада ривожланиши борасида анжв ва прагматик ёндашувага амал қилмоқда. Ўзбекистоннинг ШҲТ доирасида минтақавий хавфсизликни таъминлаш бўйича, терроризм, айирмачилик ва экстремизм каби уч ёвуз иллатга қарши курашиш борасидаги саъй-ҳаракатлари алоҳида эътиборга молик. Шу ўринда афгон зиддиятини тартибга солиш бўйича Ўзбекистоннинг нуктаи назарини тула қўллаб-қувватлашнинг билдирмокчиман. Бу бутун ШҲТ минтақасида хавфсизлик ва барқарорлик борасида муҳим аҳамият касб этувчи муносабатдир. ШҲТнинг бошқа халқаро ташкилотлар билан ҳамкорлиги ҳақида гап кетганда, Ташкилотнинг халқаро алоқаларини ўрнатиш ва ривожлантириш борасидаги Ўзбекистоннинг ташаббуслари таҳсинга сазоворлигини таъкидлашни истардим. Зеро, бу саъй-ҳаракатлар унинг нуфузи янада ошишига йўл очади. Яқинда Тошкентда имзоланган ШҲТ ва БМТ Котибиятлари ўртасида ҳамкорлик тўғрисидаги қўшма декларация алоҳида аҳамиятга эгадир. Умид қиламанки, Европа Иттифоқи билан ҳам Ташкилотнинг минтақадаги барқарорлик ва хавфсизликни таъминлаш, хусусан, афгон муаммосини бартараф этиш борасидаги саъй-ҳаракатлари кенгайтириш ҳамда мустақамлашга хизмат қилувчи шунга ўхшаб ҳужжат имзоланади.

Бельгиянинг халқаро масалалар бўйича етакчи экспертларидан бири Хильберн Байз «Жаҳон» ахборот агентлиги мухбирига берган интервьюсида, жумладан, шундай деди:

«Бизнинг экспертларимиз Ўзбекистоннинг ШҲТдаги раислиги даврида олиб борилаётган ишларни катта қизиқиш билан кузатиб бормоқда ва мамлакатингизнинг ушбу тузилма билан халқаро

ташкилотлар ўртасида алоқалар ўрнатиш ҳамда уларни ривожлантириш борасидаги ташаббусларини, шунингдек, Ташкилотга аъзо давлатлар ўртасидаги самарали ҳамкорликнинг янада мустаҳкамланишини қўллаб-қувватлайди.

ШҲТнинг июнь ойида Тошкентда бўлиб ўтадиган саммитида Ўзбекистоннинг ўз раислиги даврида Ташкилот самардорлиги ва ролини ошириш борасидаги саъй-ҳаракатлари, хусусан, энг муҳим йўналишлардан саналган хавфсизлик ва барқарорликни таъминлаш соҳасидаги ҳамкорликни чуқурлаштириш, ШҲТнинг халқаро майдондаги нуфузини ошириш, бошқа халқаро ташкилотлар билан алоқаларни ривожлантириш ишлари, Афғонистонни иқтисодий жиҳатдан қайта тиклаш ва транспорт коммуникациясини ривожлантиришга йўналтирилган лойиҳаларнинг Ўзбекистон томонидан қўллаб-қувватлангани муносиб баҳоланади, деб умид қиламан.

Россия Фанлар академияси Шарқшунослик институти директори Виталий Наушкин ШҲТнинг ривожланишида Тошкент муҳим роль уйнаганини қайд этди. ШҲТ фаолиятида муҳим аҳамият касб этган барча янги қадамлар ва давлатларнинг барча йўналишларида бир-бирига яқинлашуви, шубҳасиз, ўз миллий кун тартибининг ривожлантираётган ва уни кўп томонлама халқаро форматдаги илғор фаолият билан мустаҳкамлаб келаётган Тошкентнинг муҳим ўрини тўғрисида таъкидларди. ШҲТнинг Ўзбекистон пойтахтида бўлиб ўтажак саммити Ташкилотнинг янада ривожланиши ва нуфузини халқаро куч-қудратга эга бўлишида муҳим қadam бўлиши мундорардир.

Россия Фанлар академияси Иқтисодий институти ходими Елена Кузьмина ШҲТга раислиги даврида Ўзбекистон Ташкилотнинг келгуси тарақиёти йўлида ШҲТ тузилмасининг ҳуқуқий базасини шакллантириш ва транспорт йўлларини ривожлантириш каби қўллаб муҳим масалаларни илгари сурганига эътибор қаратади. Унинг сўзларига кўра, Ўзбекистон нафақат сиёсий йўналиш ва хавфсизлик соҳаларида, балки иқтисодий йўналишда, транспорт коммуникация масаласини ҳал этишда, инфратузилмавий лойиҳаларни амалга атайиб қилишда Ташкилот самардорлигини янада ошириш борасида жиддий мулоҳаза юритади.

(Давоми 2-бетда).

Баркамол авлод - юрт келажяги

БОЛАЖОНЛАР ШОДЛИГИ - ОЛАМНИНГ ОБОДЛИГИ



Дунёда бола шодлиги, кулгусидан ортиқ гўзаллик, беғуборлик бўлмаса керак. Негаки, унинг кулгусидан олам қулади, борлик яшнайдми. Бизнинг болажон халқимиз эса дилбандининг қувончини ҳар нарсадан устун қўяди. Унга бутун меҳрини, жону жаҳонини бағишлайди. Шу боис юртимизда ҳар жиҳатдан етук, баркамол авлодни вояга етказиш давлат сиёсати даражасига кўтарилди. Эртанги кунимиз, порлоқ келажягимиз ворисларига барча шарт-шароитлар яратиб берилди.



Халқаро болаларни ҳимоя қилиш кuni муносабати билан юртимизнинг ҳар бир гушасида - болалар боғчалари, маданият ва истироҳат боғларида, дам олиш масканлари, болалар ижодиёт уйларида байрам шодиёналари бўлиб ўтди. Ўзбекистон Республикаси Ички ишлар вазирлиги Маданият марказида «Ўзбегим ёшлари» гуруҳи ташаббуси билан концерт дастури ташкил этилди. Унга ИИБ, Қоровул қўшинлари ва Жазони ижро этиш бош

бошқармаси, Тошкент шаҳар ИИББ, Тошкент вилояти ҳамда Транспорт ИИБда хизмат қилаётган чоғида халок бўлган ички ишлар ходимларининг фарзандлари ва бошқа болалар таклиф қилинди. Жажжи меҳмонлар ва уларнинг ота-оналари оркестр садолари остида кутиб олинди. Кичкинтойлар юз-кўзларида ўзгача қувонч порлайди. Улар курсатилаётган эътибордан мамнун. Саҳнага ИИБ ШТБХ бошлиғи ўрин-

босари, генерал-майор М. Бабаниязов ва «Соғлом авлод учун» халқаро жамогармаси раиси С. Инамова чиқиб келишди. Генерал-майор М. Бабаниязов болажонларни ушбу кун билан табриклаб, келгусида элу юртга хизмат қиладиган етук, баркамол авлод бўлиб етишишларида эзгу тилаклар билдирди. Шундан сўнг С. Инамова келажягимиз эгалари бўлган ширинтойларни байрам билан қизгин табриклади.

(Давоми 2-бетда).

МАРКАЗДА ШОДИЁНА



Халқаро болаларни ҳимоя қилиш кuni муносабати билан республика ИИБ ШТБХга бевосита бўйсунувчи Сержантлар таркибининг қайта тайёрлаш ва малакасини ошириш марказида байрам тадбири бўлиб ўтди. Унга Тошкент шаҳар Ногиронлар жамиятининг Бектемир тумани бўлими болалари таклиф этилди. Тадбирни республика ИИБ ШТБХ бошлиғи ўринбосари, генерал-майор М. Бабаниязов очар экан, мамлакатимизда ёш авлоднинг жисмонан ва маънан етук, соғлом шахс қилиб тарбиялашга энг долзарб вазифалардан бири деб қаралаётгани, Президентимиз Ислом Каримов раҳнамолғида дунёда ҳеч кимдан кам бўлмайдиган баркамол авлодни вояга етказишдек эзгу мақсадлар изчил амалга оширилаётганини таъкидлади. Сўнг кичкинтойларга байрам совғалари топширилди.

Болажон. Дунёдаги барча беғуборлик унга қийёланади, эркаликлар, қувноқлик, хархаша, тиниб-тинчимаслик, самимият унга ярашади. Барча инсонлар гам-ташвишсиз, ўхшаши йўқ «подшоҳлик» даври, ўйинқароқ болаллик онларини қўсаб, соғиниб яшайди. Чунончи, мамлакатимизда эртангиз эгалари учун катта эътибор ва гамхўрлик кўрсатилмоқда. Уларнинг соғлом ва бақувват бўлиб вояга етишлари учун барча қулайликлар муҳайё этилган.

Болажонлар тўкин дастурхон атрафида дилдан яйрашди. Байрам кунлари ўқсик қалбларга қувонч улашиш савобли ишдир, - дейди Тошкент шаҳар Ногиронлар жамияти раиси Ҳ. Бурҳонов. - Бугунги тадбирни ташкиллаштиришдан миннатдорим. Таъкидлаш жоизки, кейинги пайтларда ички ишлар идоралари ва ногиронлар жамияти ўртасида узаро ҳамкорлик ишлари йўлга қўйилмоқда. Бундан янада мамнунимиз. Бола қувонча, олам яшарар, - дейди марказ бошлиғининг биринчи ўринбосари, майор М. Раззоқов. - Озгина бўлса-да, улар кўнгли кўтарилганидан бахтиёримиз. Шунингдек, тадбирда марказ

ходимлари учун маданий ҳордиқ чиқариш боғининг очилиш маросими ҳам ўтказилди. Намунали хулқи, ўқишда ва жамоат ишларида фаол иштирок этган ҳамда боғининг барпо этилишида ҳисса қўшган бир гуруҳ тингловчилар фахрий ёрликлар билан тақдирланишди. Республика ИИБ Ашула ва ракс ансамблининг ҳушовоз хонандалари ижросидаги дилтортар куй-қўшиқлар ҳамда кулги устаси Валижон Шамсиевнинг ичакузди хангомалари тадбирга фойз киритди.

Азизжон ФАЙЗИЕВ, «Постда» мухбири.

Суратда: тадбирдан лавқа. Абу КЕНЖАЕВ олган сурат.

Миннатдорлик «ХИЗМАТЛАРИДА ЮТУҚЛАР ТИЛАЙМАН»

Ўзбекистон Республикаси Ички ишлар вазирлиги, генерал-лейтенант Б. Матлюбов номига «Узкимсансана» давлат акциядорлик компанияси бошқаруви раиси Г. Ибрагимовдан миннатдорлик мактуби келди. Унда, жумладан, шундай дейилади: «Шу йил 15 май кuni Чирчик шаҳрида жойлашган «Максам - Чирчик» очик акциядорлик жамияти Компрессия-1 цехида ёнгин юз берганда Тошкент вилояти ИИБ ЁХБ ва Чирчик шаҳар ИИБ ходимлари, ёнгин ўчирувчилар зудлик билан етиб келдилар ва вазиятни тўғри баҳолаб, офатни тезда бартараф этдилар. Фидоий ходимларнинг ўз хизмат бурчида садоқат билан ёндашганликлари сабабли корхонанинг катта микдордаги мулкни сақлаб қолишди. Энг муҳими, ишчи-хизматчиларимиз ҳаёти ва соғлиғига зарар етмади. Ёнгинни ўчиришда иштирок этган Тошкент вилояти ИИБ ЁХБ ва Чирчик шаҳар ИИБ ЁХБ ходимларига, ёнгин ўчирувчиларга чукүр миннатдорлик билдириб, хизматларида улкан ютуқлар тилайман».

Тадбир

ВАТАНГА ҚАСАМЁД

Республика ИИБ ШТБХга бевосита бўйсунувчи Фарғона сержантлар таркибини қайта тайёрлаш ва малакасини ошириш марказида тингловчиларнинг билим олишлари учун барча шароитлар яратилган. Замонавий талаблар асосида жиҳозланган ўқув хоналари, спорт зали, ички ишлар идораларининг соҳавий хизматлари йўналишлари бўйича алоҳида ўқув хоналари шулар жумласидадир. Тингловчиларга соҳавий йўналишлар бўйича билим бериш, сержантларнинг малакасини ошириш жараёни бевосита амалиёт билан узвий боғлиқ тарзда олиб борилаётганлиги уларнинг

касб маҳоратини оширишда муҳим аҳамиятга эга бўлмоқда. Яқинда марказда тахсил олаётган тингловчилар Ватанга, халқига ва ўз касбига содиқликка қасамёд қабул қилдилар. Саф майдони байрамона тус олган. Марказ бошлиғининг курсатмаси билан тантанали қасамёд қабул қилиш жараёни бошланди. Тингловчилар ва уларни кузатиб турган ота-оналари, яқинлари қалбдаги гурур ва ифтихорни сезиш қийин эмас. Марказ бошлиғи, полковник Улғабек Фаниев тингловчиларни тантанали қасамёд қабул қилганликларини бил-

лан табриклади. Ота-оналардан ҳам вакиллар сўзга чиқиб, фарзандларининг эл-юрт тинчилиги ва осойишталигини сақлашга бел боғлаганликларидан хурсанд эканликларини айтиб, келгусидаги фаолиятлари муваффақиятлар тилади. «Қувноқлар ва узқоқлар» кўрик-танлови тадбирга янада фойз бағишлади. Тингловчилар ўзларининг ташкилотчилик, ижодкорлик каби қобилиятларини намойиш этдилар. Бўрибой ОМОНЗОДА, подполковник.



Фарғона вилояти.













